


Ni Presidente Henry B. Eyring

Umuna a Mammagbaga
iti Umuna a Panguluén



Ti Namnama ti Agnanayon nga Ayat ti Pamilia

Kadagiti amin a sagut ti Nailangitan nga Amatayo nga impaayna kadagiti annakna, biag nga agnana- yon ti kapatgan (kitaen iti DkK 14:7). Dagiti adda iti daytoy a pagarian ket agnaeddanto iti agnanayon iti sidong ti Dios nga Ama ken ti Anakna a ni Hesucristo. Iti laeng kangangatuan kadagiti pagarian ti Dios, ti Celestial, nga agtultuloy dagiti panagiinnayat iti biag ti pamilia.

Mangnammatayo amin para iti rag-o iti panagbiag kadagiti agpipinnateg a pamilia. Kaadduan kadaytoy, may- sa daytoy a rikna a ditay pay napadasan- rikna a sumang- bay ngem saan pay a dimteng. Nakitatayon daytoy kadagiti biag dagiti dadduma. Para kadagiti dadduma kadaytoy, ti ayat iti pamilia ket kasla napudpudno ken napatpateg no ti patay ket isinanatayo iti maysa nga ubing, ina, ama, kabsat a lalaki, kabsat a babai wenno ay-ayaten ken dungdunguen nga apong.

Nariknatayo amin ti namnama nga addanto aldaw a mariknatayonto manen ti nabara a kinadungngo dayta a kameng ti pamilia nga inay-ayattayo unay ngem itan ket nasakit nga arakupen manen.

Ammo ti Nailangitan nga Amatayo dagiti pusotayo. Ti panggepna ket mangted kadaytoy iti ragsak (kitaen ti 2 Nephi 2:25). Isu nga intedna ti sagut ti Anakna tap- no mapagbalinna ti rag-o kadagiti begkes ti pamilia ket

agtultuloy iti agnanayon. Gapu ta winarwar ti Mangisala- kan dagiti begkes ti patay, agungartayonto. Gapu ta Sinub- botna dagiti basoltayo, kabalinantayo, babaen iti pammati ken panagbabawitayo, ti agbalin a maikari iti celestial a pagarian, a sadiay dagiti pamilia ket mabegkes a sangsang- kamaysa iti ayat nga agnanayon.

Inbaon ti Mangisalakan ni Propeta Elias kenni Joseph Smith a mangisubli kadagiti tulbek ti priesthood (kitaen DkK 110). Kadagitoy a tulbek immay ti bileg ti panangbeg- kes, a mangidiaya iti kadadaklan a sagut ti Dios kadagiti annakna- biag nga agnanayon kadagiti pamilia a napag- maymaysa inggat-inggana.

Maysa daytoy a diaya a mabalin a sakadaen ti tunggal anak ti Dios nga umay ditoy lubong. Apagkatlo kadagi- ti espiritu nga Annakna ket iniddianda ti diayana idia- y lubong ti espiritu. Ti kinaawan ti umdas a pammati ken nawaya a panagsupiat, pinilida ti di mangammo ti rag-o dagiti agnanayon a pamilia a sagut ti Nailangitan nga Ama.

Para kadaytoy a nakapasa iti naiget a pannubok, sakbay iti mortal a biag sadiay lubong ti espiritu, tapno napatgan nga umawat iti sagut kadagiti mortal a bagi, adda pay la kadaytoy ti naindaklan a mangpili iti biag nga agnana- yon. No nabendisionantayo a mangbirok iti naisubli nga ebanghelio, mapilitayo nga aramiden ken tungpalen dagiti

karitayo iti Dios tapno mapatgan iti biag nga agnanayon. Iti panagiburtayo iti dayta a kinamanamati, paneknekan ti Nasantoan nga Espiritu ti namnama ken talektayo nga adda iti dalan iti biag nga agnanayon, tapno agindeg nga agnanayon kadagiti familia iti Pagarian a Celestial.

Para iti sumagmamano, ti agnanayon a rag-o ket nari-gaten a magun-od wenna mapukpukawen a namnama. Adda dagiti maaramid a panagpili dagiti nagannak,annak, ken kakabsat a kasla makaigapu iti saanda a pannaka-ikari iti biag nga agnanayon. Agduaduakayo pay ketdi no saankayo pay a maikari babaen ti Pannubbot ni Jesucristo.

Maysa a Propeta ti Dios ti naminsan a nangidiaya kaniak ti pammagbaga a nakaited kaniak iti kappia. Naburiburanak idi a baka dagiti pili dagiti dadduma ket mamagbalin nga imposible para iti pamiliatayo nga agbalin a sangsangkamaysa iti agnanayon. Kinunana, “Maburiburankayo maipanggep iti di umiso a problema. No agbiagka laeng a maikari iti Pagarian a Celestial, dagiti pannakaurnos ti familia ket ad-adda a nakaskasdaaw ngem iti inka impagarup.”

Kadagiti addaan iti personal a padas wenna ti kallaysa ken annakda- wenna no awan man dagitoy- ket agduaduada kadagiti namnama, idiyak ti pammanekneko: Ti Nailangitan nga Ama ket amammonaka ken ay-ayatennaka a kas espiritu nga Anakna. Idi addaka Kenkuana ken ti Ipatpategna nga Anak sakbay daytoy a biag, inlugarnan iti pusom ti namnama nga adda kenka ti biag nga agnanayon. Ti panagobra ti bileg ti Pannubbot ni Jesucristo ken ti pannarabay ti Nasantoan nga Espiritu, mariknam itan ken mariknamto iti lubong nga umay ti ayat iti familia a kalkalikaguman unay ti Amam ken ti Patpatgenna nga Anak a maawatmo.

Paneknekak a no agbiagka a maikari iti Pagarian a Celestial, ti kari ti propeta a “dagiti pannakaurnos ti familia ket ad-adda a nakaskasdaaw ngem iti inka impagarup” ket bagimto.

PANANGISURO MANIPUD ITI DAYTOY A MENSAHE

Ibilangmo iti panagirugim babaen ti inka panangibaga kadagiti isurom ti kanito a sika ket napnuan panagyaman iti namnama kadagiti agnanayon a familia. Awisem ida a mangutob kadagidi kanito

a nariknada ti kinamanagyaman kadagiti agnanayon a familia. Saludsodem no kayatda nga ibinglay. Maawis-mo idan a mangpanunot kadagiti wagas tapno agsa-yaat ken agbiag a maikari iti pagarian a celestial tapno ti kari ti propeta a “dagiti pannakaurnos ti familia ket ad-adda a nakaskasdaaw ngem iti inka impagarup” ket bagidanto.

AGTUTUBO

Panangibingay iti Agnanayon a Ragsak

Maysa kadagiti kasasayaatan a banag maipanggep iti ebanghelio ket ti pannakaammo iti plano ti pannakaisalakan. Addaantayo iti makaay-ayo nga oportunidad a makadua ti pamiliatayo iti agnanayon. Dayta a pannakaammo ket tulongannatayo a maad-daun iti namnama no kasdiy a mariknatayo ti rikot ti lubong. Isursuro ni Presidente Eyring nga “Ammo ti Nailangitan nga Amatayo dagiti pusotayo. Ti panggepna ket mangted kadatayo iti ragsak (kitaen ti 2 Nephi 2:25). Isu nga intedna ti sagut ti Anakna tapno mapagbalinna ti rag-o kadagiti begkes ti familia ket agtultuloy iti agnanayon. Maysa daytoy a diaya a mabalin a sakadaen ti tunggal anak ti Dios nga umay ditoy lubong.

A ti bendision ket maiyaplikar kadagiti adda kadayo a sibibiag ita ken kadagiti pimmanawen- ngem babaen laeng iti tulongtayo. Adda itan dagiti ap- appotayo iti lubong ti espiritu, ur-urayendatayo tapno isagana dagiti nagan para iti ordinansa iti templo a maaramid para kadakuada. Ngem no dadduma narigat nga obraen daytoy a trabaho para kadakuada. Mabalina a makumikomtayo unay, wenna agnanaedatayo iti nakaad-adayo manipud iti templo tapno masansan koma iti ipapantayo.

Nagasat, ta adda pay dagiti sabali a wagas tapno matulongantayo dagiti kapuonantayo kas iti panangitrabaho iti family history work, indexing, wenna agaywan iti ubing para kadagiti nagannak kadatayo bayat ti ipapanda iti templo. Iti panagtulong, makapagserbitayo iti Apo ken maidanun kadagiti adda iti bangir a sikigan ti belo ti namnama iti agnanayon a pampamilia.

Agnanayon Dagiti Pamilia

Gapu iti Pannubbot ni Jesucristo ken ti pannakaisub-
li dagiti tulbek ti priesthood, makipagnaedtayto
kadagiti pamiliatayo iti agnanayon. Ania ti magustuan-
yo maipanggep iti pamiliayo? Surutenyo dagitoy nga
annuroten tapno maaramidyo daytoy a papel a kwar
a mangrampak iti pamiliayo.

1. Kulpien ti maysa a panid a papel nga aggudua iti
mamindua tapno adda maysa nga atiddog nga strip.
2. Mangdrowing iti maysa a tao a dagiti imana ket
sagidenna dagiti nakulpi nga igid.

3. Putdenyo nga isina ti tao. Saan a putden nga isina dagiti
ima a mangsagid kadagiti nakulpi nga agid.
4. Luktan ti pannakakulpi. Mangisurat wenno mangdro-
wingkayo iti maysa a banag a nasursuroyon maipapan
ken ni Jesus.
5. Mangipigket iti ad-adu pay a kwar a sangsangkamaysa
no dakdakkal ti pamiliayo.

© 2016 ti Intellectual Reserve, Inc. Nailatang amin a karbengan. Naimaldit
iti EUA. Pannakaanamongna iti Ingles: 6/16. Pannakaanamongna a maipata-
rus: 6/16. Pannakaipatarus ti *First Presidency Message, August 2016*.
Ilokano. 12868 864



Sangsangkamaysa a Panangaywan Kadagiti Pamilia

Nainkararagan nga adalenyo daytoy a material ken kalikagumanyo nga ammuen no ania ti ibinglayyo. Kasano a ti pannakaawat iti "Ti Kaamaan: Maysa a Waragawag iti Lubong" ket pagpigsanna ti pammatiyo iti Dios ken mangparabur kadagiti ay-aywananyo babaen ti visiting teaching? Para iti ad-adu pay nga impormasion, mapan iti reliefsociety.lds.org.

Pammati , Pamilia , Tulong

"Addaan dagiti agassawa iti napasnek a pagrebbengan a mangipateg ken mangaywan iti tunggal maysa ken dagiti annakda."¹ "Pagadalan koma ti Dios iti ayat, ken panagserbi ti pagtaengantayo." kuna ni Presidente Russel M. Nelson, Presidente ti Korum dagiti Sangapulo-ket dua nga Apostol.

"Kayat ti Nailangitan nga Amatayo dagiti agassawa a napudnoda iti maysa ken maysa ken raemen ken tratuen dagiti annak a kasawid manipud iti Apo."²

Iti Libro ni Mormon, inbaga ni Jacob a ti ayat nga adda kadagiti assawa a lallaki kadagiti assawada, ti ayat nga adda kadagiti assawa a babbai kadagiti assawada, ken ti ayat nga adda kadakuada nga agpadpada para kadagiti annakda ket maysa kadagiti rason no apay a dagiti Lamanita ket iti maysa a pontos ket nalinlintegda ngem dagiti Nephite (kitaen ti Jacob 3:7).

Maysa kadagiti kasasayaatan a wagas tapno maawis ti ayat ken tunos kadagiti pagtaengantayo ket babaen iti napnuan-ayat a pannakisarsarita kadagiti kameng ti pamiliatayo. Itden ti naasi a

pannakisarsarita ti Espiritu Santo. Ni Sister Linda K. Burton, Relief Society general president, guyugoyennatayo nga ibilang: "Kasano ti kasansan ti panagirantatayo nga 'agsao kadagiti naasi a sao iti maysa ken maysa?'"³

Dagiti Mainayon a Nasantuan a Kasuratan

Taga Roma 12:10; Mosiah 4:15; Doktrina ken Katulagan 25:5

Dagiti Estoria ti Tattao a Sibibiag Pay

Inbingay ni Elder D. Todd Christopherson iti Korum dagiti Sangapulo-ket-dua nga Apostol ti kapadasanna iti kinaubingna a nangipasagepsek kenkuana ti kina-pateg ti managayat a pamilia. Idi babbarito isuna ken dagiti kakab-satna, naoperar ti inada iti radical cancer a namagbalin a nasakit kenkuana a mangaramat ti kanaan a takigna. Addaan iti babbarito iti pamilia, adu ti maplantsa, ket iti panagplantsa ti inada, masansan nga agsardeng ket mapan iti uneg ti siled a pagiddaan tapno agsangit inggana a maep-ep ti sakit.

Idi naammuan ti ama ni Elder Christofferson ti mapaspasamak, sililimed isuna a di mangngal-aldaw tapno makaurnong iti umdas a kuarta nga igatang iti makina a mangpalag-an iti panagplantsa. Manipud iti ayatna iti asawana, inpakitana ti pagtuladan ti panagasikaso iti uneg dagiti pamilia para kadagiti babbarona. Iti daytoy nadungngo a langenlangen, kinuna ni Elder Christofferson, "Saanko nga ammo ti sakripisio ti amak ken tignay ti ayat para iti inak kadagidi a tiempo, ngem itan ta ammok, makunak iti bagik, 'Adda maysa a lalaki.'"⁴

DAGITI NAGADAWAN

1. "Ti Kaamaan: Maysa a Waragawag iti Lubong," *Liahona*, Nob. 2010, 129.
2. Russel M. Nelson, "Salvation and Exaltation," *Liahona*, May 2008, 8.
3. Linda K. Burton, "We'll Ascend Together," *Liahona*, May 2015, 31.
4. D. Todd Christofferson, "Let Us Be Men," *Liahona*, Nov. 2006, 46.

Ibilang Daytoy

Kasano a ti panangayat ken panangipateg iti maysa ken maysa ket makaawis iti espiritu kadagiti pagtaengantayo?